

پازار ایرتسی -- فی ۱۴ ربیع الاول سنه ۳۲۷ وفی ۲۳ مارت سنه ۳۲۵

جمعیت علمیہ اسلامیہ نك ناشر افکاریدر

مدیر مسئول :

معمار زادہ

محمد علی

سر محرر :

فاتح مجیز درسعاملرندن

مصطفی صبری

صاحب امتیاز :

فاتح مجیز درسعاملرندن

شہری احمد

مندرجات

اجتہاد م . ح	دیانتک مدنیتہ لزوی مصطفی تقی
دیانتدن تجرد . مدنیتندہ تباعددر ابن الامین احمدتوفیقی	قوسودہ واقع فیروز بك جمعیتی رجب
لامصیبة اعظم من الجهل ابن الامین شہود کمال	ادبیات
دین اسلامده هدف مناقشه اولان مسائلدن مصطفی صبری	منظومہ تاریخیہ حافظ عثمان الموصلی
استبداد . دین حسین حازم	مفرقه
سیاست شرعیہ ابن حازم . فرید	

نسخہ سی ۱ پارہ در

آبونہ اجرتی (ہوستہ اجرتیہ برابر)

عالمک اجنبیہ ایچون :

۱۲,۶۰ فرائق

» ۶,۳۰

استانبول وولایات ایچون :

برسنہ لك ۶۰ غروش

التي آتانی ۳۰ »

درج ایدلمان اوراق اعاده اولنماز

قارئلر مژہ :

اکثر مقالہ ایات کریمہ واحادیث نبویہ درج ایدلمش بولندی بی نظر اعتبارہ آلنہرق رعایتسز لکده بولنلمامسی
رجا اولنور .

درسمادت

بکر افندی مطبعہ سی — وزیرخان

استبداد، دین

[مابعد]

محررین افرنج ، استبداد دینی ایله استبداد سیاسی بیننده کی مشاکلی شو بولده تصویر ایدیورلر ؛
تعالیم دینیه ، کتب سماویه هیئت بشریه یی کنسه و حقیقتی ادراکدن عقلک عاجز بولندینی بر قوه عظیمه هائیه قارشی احتیاسات خشیتکارانه پرورده ایتمککه دعوت ایده رک ، حال زندگانیسده هر درلو مصیبتیه ، بعدالمات ایسه مدید یاخود مخدر بر عذاب ایله گرفتار اولمق وعید شسیدیله اولیه لرزه ناک ایلرکه بتون قوای مدرکه بشر ، بو تهدید هائل قارشیسنده عادتاکندندن کچر ، تلقی ایلدیکی اوهاهم وخیالاته بلا فکر و نظر کرداده تسلیم اولور .

صوکره .. بو تعالیم دینیه ؛ بشری او قورقونج دوزخلردن تخلیص ایتمککه ذریعه اوله حق بر طاقم فوز و نجات قابولری آچار . بو ابواب منجیه ناک حاجلکی وظیفه سنی هیئت بشریه دن بر قمم مخصوص درعهده ایتمشدر . دخوله سی ذلت غی وضاللی اعتراف ایتمککه برابر دربانلرک مدار تعیشی اوله حق بر مبلغ معینک بیت المالدن منتظما کندیلرینه ویرلمی خصوصنی تحت تکافه آلمق و یاخود ثمن غفران اولمق اوزره معین بر مقدار جزیه احترام تقدیم ایلمک صورتلرندن برله قلاباً قالباً ایضای تعظیم ایتمکدر . بو حاجلردن بعضلری بوبایدہ او قدر ایلری کیدرلرکه دگل اشباحی ، ارواحی ده فدیة نجات و رسم مرور اخذ ایتمککری مدتیجه المانه ملاقاتدن منع ایدرلر .

سیاحت آشنایان استبدادده حرکات متحرکانه لرینی بوقبیل اساس اوزرینه قورارلر . کویا بشر ، حریت شخصیه سیه غیر مالک ؛ حیات اجتماعیه دن نصیبلری آنجیق حفظ نوعدن عبارت بر حیوان بی ادراک درکسنده اولوب مجرد کندیلرینک آمال مستبدانه سنی اجرایه خادم اولمق

ایتمیسه وهله اولاده ظن اولندینی کچی طوغری کلکدر . چونکه برکامله ناقصی قاریشیدیرمق هیج بر وقته کاملی حال استقلالنده بر افاق وزمام کاری تمامیه اوکا تودیع واحاله ایلمک قدر موافق نتیجه لر ویره مز . ایسته بوراده ده عقل ، فکری ، تجربه سی ، مکانت و معلوماتی دها زیاده اولمق لازم کلن و طلاق عهدیه روت و کفایتیه تفویض اولغسی ایله برابر زرد خداده ابغض المباحات اولدینی و ذواقین و ذواقک سزاوار لعنت اولدقلمی بیانات شرعیه ایله کندیسنبجه معلوم اولان و معلوماتیه دها زیاده بر جدیت و متانتیه توفیق حرکت ایده بیلن رجاله شو امر مهمک بتون مسئولیتی تحمیل اولندینی زمان وظیفه سنی نه قدر بیوک بر بصیرت و مبالات ایله تقدیر و اداره ایده چکی مأمول بولمنسینه مقابل بو وظیفه ناک ، بو مسئولیتک بر قسمی قادیانه عائد اولدینی صورته شو حال ، وقوع طلاق تصعب ایتمک شویله طو رسون قادیانک اوراق برسانقه عصینته و فضله اوله رق حق طلاقه اشرا کنک بخش ایلدیکی حس غرور ایله هیج بو قدرن ایجاد ایده چکی خیر چینلقلری متعاقب طلاقدن حصه صلاحیتی ایقاعه قدر ایلر یله مسی زوجکده موازنه سنی بوزار . یاربلاغش اولان بو طریق تهورک جریانسه اونده قایدیرر . ذاتاً بتون مسئولیتک ، عهده سنده بولمامسی کندیسنی از چوق مسامحهیه حاضر لامشدر .

شو تقصیلات انسانسده طلاقک اوزون اوزادی افتراق فعلی حصوله توقف ایتموب بر چفت سوزدن عبارت اولدینی اونو تمامیلرکه بوده شریعت اسلامیه ناک انسانلر حقنده اغزلرندن چیغان ککانه قیمت و اهمیت ویرمسی وسوز دینلن خصیصه بشریه ناک بر منای معبری بر تائیری اولمق اقتضا ایتمی حکمتنه مستنددر .

مابعدی وار

مصطفی صبری

اوزره یازادیلمش برینده کردنداده انقیاد ایمشجه سینه طوته رقعظمت مطاقدن نمونه نما اولان تعالیٰ شخصی، پایه رفیع حسیلریله تریب و تنکیل و ایستدکری کی قهر و تذلیل ایدرلر.

استبدادین بیننده کی شومشاکلت؛ — منی و نتایج اعتباریله — فرانسه کی — فقط فرانسه خارج اولدینی حالد — ممالک متمدنه ده کویا بنای استبدادی ترصین ایتک اوزره مستعمل ایکی ید معاونه، روسیه کی مطلق العنان بر حکومت ایله تمشیت امور جمهور ایدن ممالکده ایسه زواللی انسانلرک حر، بی کنساده دفتر امورینه تسجیل ظلم و تحکم ایتکده وظیفه مشترک بولنان قلم و قرطاس درلر.

حاصلی شو مشاکلت قوتین، سواد اعظم عوامی معبود بی انداد ایله جبارۀ استبداد آرد سنده موجودیت التباس تصور ایتک وادی خطرناکسه قدر سور و کلر کوتورور. هرایکی قوت صاحبی تعظیم و اجلاله مستحق اولوق، حرکات واقعه لری استیضاح و مؤاخذدن متعالی بولنق جهتیله ساحۀ ادراکی توسع و تنور ایتمه. مش بولنان اذهان عوام حقیقت التباسی قبول ایتسه بیله ظلام جهل و تردد ایچنده بوکالوب قالمش اولدینندن نفسنده مراقبۀ مستبدین ایچون هیچ برحق و صلاحیت تصور ایتمز. تصویر آخرله کتله معظمه عوام، مصبود حقیقیلریله متجبرینی پک چوق صفات و حالاتده، اسماده مشترک بولور. مثلاً (فعال مطلق) ایله «حاکم بامر» (لایسئل عما یفعل) ایله «غیر مسئول» (منع) ایله (ولی النعم)، (جل شانۀ) ایله «جلیل الشان» یندیرینی تفریق ایده مز. الله تعظیمی کی جبارده ده حاشا تعظیم ایدر. ایشته بو حال، ائم سابقۀ منخطه ده ظهور ایدن بعض مستبدینک — اذهان رعیه نك استمدادی نسبتده — دعاوی الوهیت قیامی تسهیلۀ مدار اولمشدر. حتی بو خصوصده «هیچ بر مستبد سیاسی یوقدرکه آنک ایچون

یابر الله اشتراک ایده جک صفت قدسیه اتخاذ و یاخود آکا (حاشا) الله ایله علاقه دار بر مقام اعطا اولمش — بولنسون» قضیه سی تأییدمدعی ایتک اوزر دسویا مشدر. نه حاجت! ارباب دیندن بر قسم مخصوصک مستبدینه مامشات، حتی اسم الهی ایله ظلم و اعتسافلرینی تیسیر ایتک اوزره معاونت ایتدکری ده انکار اولنه مازیا.

ابنای قسطنطینک بین الرعایا نشر دینی تأیید ایتک خصوصنده کی قیاملری، اسپانیه حکمدارلریندن ایکنجی فلیک، انکلیز حکمدارلریندن سکزنجی هانری نك حتی انکیزیسیون مجلسری تشکیلیله انتصار دینه مبارز لری کی برخیلی حکمدارانک تشبثات واقعه لری هپ دین، یاخود اهل دین دن استعانه ایدرک عباد اللهه کیف مایشاؤن ظلم و تحکم ایتلرینی تسهیل مقصدینه مبتنی ایدی.

حاصل کلام بوایکی قوۀ استبدادیه یکدیگرینک لازم و ملزومی منزله سنده بولندیقندن بر مائده هانکیسی بولنورسه دیکرینی ده یانه چکر کتیرر. بری صلاحه یوز طوتارسه دیکریده کسب صلاح ایدر. بوبابده ایراد اولنه حق شواهد مقنعه نك هپسی ده شو حقیقتی تبیین و تلقین ایدیورکه دین، هیئت بشریه اوزرنده سیاستدن دها زیاده حائر تأثیردر. قاتولیکار عننده پروتستانلک حریت سیاسیه دن دها زیاده امور سیاسیه یی اصلاح ایتمی بو حقیقتک بر حجت ساطعه سیدر. مدققین سیاست شناسانک نتیجه تدقیقاتی ده ذاتاً بومرکزده درکه دین، سیاست قول قوله، یک آهنگ مشی و حرکت ایدرلر، امور سیاسیه یی اصلاح ایتک ایچون اصلاح دیندن باشلامق موافق مصلحت و حکمتدر.

[ما بعدی وار]

حسین حازم